



SÉCHERHEET

0. Preventioun

D'Sécherheet ass eng berechtigt Erwaardung vun de Kanner a vun hiren Elteren un de Moniteur.

Pompjee a Jugendpompjee sinn, ass noutwendegerweis mat Gefore verbonnen, awer als Moniteur kënnen mir vill maachen fir Akzidenter ze verhënneren.

Als Moniteur musse mir all noutwendeg Virsichtsmaassname bei der Wiel an der Organisatioun vun enger Aktivitéit huelen, fir esou d'Onfallgefor op e Minimum ze reduzéieren. D'Fro, déi dir iech stelle musst, ass: «Wat maachen ech fir en Akzident ze verhënneren?». Fir ze weise wat dat konkret heesche kann, ziele mer hei eng Rei Maassnamen op, un déi ee virun enger Aktivitéit soll denken.

Andeems dir un d'Sécherheet bei den Aktivitéiten denkt, maacht dir net nëmmen eppes fir är Jugendpompjeeën, mee dir kënnt iech am Fall vun engem Akzident och besser «verteidegen».

1. ALLGEMENGES

- Am Text get den Jugendleeder(in) vum CIS als Moniteur bezeechent. All aner Persoun déi bei enger Aktivitéit hëlleft get als Moniteur-adjoint oder Assistant bezeechent. Et ass wichtëg dat den Moniteur, Moniteur-adjoint a Assistant iwwer déi jeweileg Ausbildung verfüegen, fir datt all Aktivitéit mat dem néidigem Wëssen an Sécherheet ofgehaal kann gin.
- Zesumme mat de Kanner/Jugendleche versiche mer, d'Gefore vun enger Aktivitéit ze erkennen an eis drop anzustellen.
- Mir beschafe fir all Aarbecht dat richtegt Geschir, halen et gutt an der Rei a loossen et net dorëmmer trëllen, wéi z.B. Aaxten an Himmer asw.
- Mir léieren an trainéieren déi Techniken a Gesten, déi bei der Aktivitéit gebraucht ginn (z.B. Klotten, Schwammen, Schneiden a Seeën, Ëmgank mat Amaturen a net gefeierlech Maschinnen)
- Mir kleeden äis der Aktivitéit no, z.B.: Helm bei der Löschübung a beim Vélo fueren, fest Schong bei allen Aktivitéiten undoen, Schaffhändsche beim Hantéieren vun Armaturen an Geschir, hellt Gezei a Reflekteren owes op der Strooss, keng Nylonssaache beim Lagerfeier.
- Mir kucken eis d'Plaze gutt un, wou eis Aktivitéiten sech ofspillen, z.B. bei engem Nuetsspill d'Plaz am hellen Dag kucke goen, ...
- Nuetsspill-Rallye op gudd zougängleche Plätzen ofhalen. Heibäi soll de Grupp onbedingt vun engem Erwuessene begleet gin.
- All Moniteur muss en 1.Hëllefscours matgemeet hun. Eng regelmässig Wiederhuelung ass wichteg.
- Bei de Kanner zou gëtt keen Alkohol gedronk an och net gefëmmt. (kuckt och d'Gesetz 24 März 1989 an vum 29 Juni 1989)
- Eng Sammelplaz soll définéiert ginn, wou de ganze Grupp sech am Noutfall ka sammelen. (Wa méiglech d'Noutsituatioun üben.)
- Op der Strooss hale mir eis un de «Code de la route ».

2. HYGIENE

Iesswueren

- Et gëtt méiglechst mat frëschen Iesswuere gekacht an d'Wuere gi suergfältig gelagert.
- Op propert Drënkwaasser gëtt Wäert geluegt.



Allgemeng Hygiène um Camp

- D'DrecksKëscht steet wäit genuch eweg vun der Kichen a gëtt esou dacks ewéi méiglech eidel gemaach. DrecksKëscht muss een Deckel drop hunn deen gutt zou mécht.
- Nom Iessen gëtt uerdentlech mat warmen Waasser gespult.
- Fir d'Ofwässer besteet en Offloss deen nët an d'öffentlech Gewässer geet.
- D'Camptoilette gëtt hygiènesch a propper gehal.
- D'Kiche steet am Schied an/oder ënnert engem Iwwerdaach.
- An der Kiche muss gutt op d'Hygiène opgepasst gin.
- Bei naassem Wieder Kleeder a Schlofsäck dréchen halen resp. dréchnen.
- Et gëtt fir e méiglechst equilibréiert Iesse gesuergt.
- Op déi perséinlech Proppertéit (och vun den Kanner) uecht gin d.h. eenmol pro Dag get sech gewäsch.

Gesondheet an 1. Hëllef

- Sech bei den Elteren iwwer de Gesondheitszoustand vun de Kanner informéieren; virum Camp eng «Fiche médicale» ausfëllen loossen.
- Et ass wichtëg d'Eltern iwwer de Programm se informéieren datt si wëssen waat op hier Kanner duer kënnt. (z.b. Nuetsaktivität, ...)
- D'Elteren op hier Verantwortlechkeeten hinweisen (Haftung vun den Elteren, ...) an sech vergewësseren datt eng Haftpflichtversécherong besteet.
- D'Elteren eng Lëscht gin mat allen Sachen déi d'Kand niet mathuelen däerf. (Briquet, Fixfeier, Täschmesser, Handy, ...)
- Bei den Aktivitéiten eng 1.Hëllefskëscht, mat ugepasstem an aktuellen Material, derbäi hunn.
- Een(t) derbäi hunn, deen/dat sech an 1.Hëllef auskennt (z.b. Ambulancier), an deen d'Këscht «verwalt»
- Am Zweifelsfall och bei klenger Verletzung bei den Dokter goen.
- D'e Verantwortlechen huet sech informéiert, wou een am Noutfall medezinesch Hëllef kréie kann. (112, lokalen Dokter, Apdikt,...)

Auslandscamp

- Mat d'Zäit den "Service Commandé" iwwer den Jugendfeierwwehr-Ausschoss (JFA) ufroen an d'Erlaabnes vum Chef de Centre froen.
- Schrëftlech Autorisatioun vun den Elteren, déi vun de betreffenden Autoritéite (Gemeng) beglaubegt ass, mathuelen.
- E 111 - Formulaire mathuelen.
- D'Impfkaarte mathuelen.

3. CAMPPLAZ

Camp an enger Scheier

- Sech versécheren, datt keen vun den Jugendpompjeeën Fixfeier oder e Briquet bei sech huet.
- Elektresch kontrolléieren (Prisen, Kabelen, ...)



Lëtzebuurger Jugendpompjeeën

- Et ass verbueden op der Genn ze schlof.
- Kontrolléieren, ob keng Botte kënnen erof falen, rutschen oder rullen.
- An der Scheier solle wa méiglech keng Maschinne stoen, déi d'Kanner ulackele fir drop ze turnen.
- Et gött op d'Fluchtweeër higewisen (zumools an de Chaleten oder Scheieren).

Camp am Zelt

- Keen Zelt oder Iwwerdaach an déi Richtung opschloen, an déi de Wand d'Fonke vum Feier bléist.
- Platz loose fir téschent de Piquete vun Nopeschzelter duerchzegoen. Fir ee Schutz vun den Piqueten suergen.
- Zelter sollen net esou wäit vuneneen ewech leien, datt een se net kann iwwerwaachen.
- Am Zelt net fëmmen, keng Gasluucht benotzen, keen oppen Feier machen an niet kachen.
- Während enger Sortie de Camp ni ouni Opsicht loossen.

Campkonstruktiounen

- Beim Schaffe mam Beil, mat der Aaxt oder mam Messer net an d'Richtung vum Been oder op déi aner Hand lass schloen oder schneiden. D'Geschir kann ëmmer mol ausrutschen.
- An der Schlagrichtung vun der Aaxt oder vum Hammer soll kee stoen.
- D'Kachmaschinn stabil an héchstens 80 cm héich (= Buedem vum Dëppen!) bauen.
- Wann ee mat Gaskocher kacht kontrolléiert een, ob de Schlauch an d'Dichtungen net sprock oder brécheg sinn, op den Détendeur an den Uschloss dicht sin . D'Gasfläsch léisst een ni an der Sonn stoen. Den Datum op der Gasfläsch kontroléieren.
- Konstruktioune mat gesondem Mënscheverstand bauen.

Feier

- Nimools e Feier mat Spray, Spiritus, Bensin ader aneren explosive Stoffen ufänken!
- Ëmmer en Feierläsch, eng Kiwwelspréitz oder en Eemer Waasser an en Eemer Sand beihand hun fir ze läschen.
- Kee Feier an engem Dännebësch oder direkt ënnert engem Bam maachen.
- Wann ee Feier um Buedem mécht, muss een sech eng Plaz propper maachen, d.h. 2-3 m ronderëm d'Feierplaz alles ewechhuelen wat d'Feier ausbreede kéint, z.B. dir Blieder.
- D'Feier vun der Trapperkichen nom Iesse ganz ausmaachen; mat Waasser bespréitzen an déi naass Äsche mat Buedem zoudecken.
- D'Kachplaz soll wäit genuch vun den Zelter ewech bleiwen.
- D'Feierplaz muss am A behale ginn.
- Feier richteg ausmaachen ier een d'Plaz verléisst.
- Fir 1. Hëllef suergen.



4. AKTIVITEITEN

Afebréck a Seelbunn

- Héicht vun der Afebréck dem Alter upassen, Distanz tëscht de Seeler op d'Kandidaten ofstëmmen
- Nëmme gutt kontrolléiert Material a Seeler benotzen, d'Stabilitéit vun de Beem aschätzen.
- Helm a Bodrier undoen, permanent ofsécheren (och beim Erop- an Erofklammen)
- Iwwerleë wat ka geschéie wann een eroffällt oder um Enn vun der Seelbunn net gebremst kritt, an d'Plaz deem entspriechend auswielen an ofsécheren.
- Ëmmer nëmmen eng Persoun um Seel. D'Afebréck net als Klunsch benotzen.
- Ëmmer ee Seel als Sécherung mat bäi huelen.
- Een/eng Moniteur/Monitrice probéiert als éischt/en d'Konstruktioun aus.
- Bei der ganzer Aktivität den gesonden Menschenverstand gebrauchen.

Hike a Camp-volant

- All Camp muss beim JFA ugefroet gin.
- E Wee eraussichen, deen dem Alter ugepasst ass.
- Geforepunkte mat de Jonken ofklären.
- Näischt am Boesch ënnerhuelen van Juegd ass.
- En Noutbréif matginn.
- Den Organisateur/JMoniteur soll méiglechst telefonesch erreechbar bleiwen.
- Um Hike kontrolléieren ob d'Jugendpompjeeën all op der Schlofplaz ukomm sinn.
- Sech mam Fieschter iwwer d'Schlofplaz ofschwätzen. Den Fieschter ëm ee schreëftlechen Akkord froen. (Kuckt or d'Gesetz vum 11 August 1982)
- De Boeschproprietär schreëftlech informéieren. D'Gemeng schreëftlech informéieren.
- De Boesch muss proper verloos gin.

Schwammen

- De Moniteur muss kloer wëssen, wien net schwamme kann (Bescheinigung vun den Elteren froen oder eventuel dofir Suergen datt se fräischwammen).
- Um « Certificat médical d'aptitude » vum Médico kontrolléieren op d'Jugendlicher apt sin.
- Wann d'Schwammplaz net offiziell iwwerwaacht ass, informéiert een sech bei de Leit aus der Géigend, ob d'Waasser gëeegent ass fir ze schwammen.
- Beim Waasserwirtschaftsamt nofroen op een am Gewässer därf schwammen (wéinst den Salmonellen asw.)
- Et gëtt klor gesot, wéi wäit een därf schwammen.
- Oppassen op d'Temperatur vum Waaser ; op Lächer an déck Steng um Grond vum Gewässer.
- Et därf keen eleng an d'Waasser.
- Ee gudde Schwëmmer kuckt vum Uwenner aus no.



Lëtzebuurger Jugendpompjeeën

- De Moniteur muss schwammen kennen (1. Rettungsschein maachen)
- D'Leit mussen sech lues u fléissend Waasser gewinnen.
- Net an enger staarker Stréimung bueden oder schwammen.

Floosfaart

- Op engem Flooss huet jiddereen eng Schwammwest un. (Wichtig : Keng Stiefelen undon fier wann een an d'Waasser fällt.)
- Virun der Floosfaart d'Gewässer exploréieren (Wieren, Stréimungen ...)
- Net op Gewässer fueren, déi séier fléissen, well do ass et schwéier d'Flooss ze steieren.
- Um Flooss muss e Seel vun 30 m an e Paddel sinn (Kuckt d'Reglement vun der «Binnenschiffahrt no.)

Extra Aktivitéiten

- Keen Nuetspill an enger fielseger Géigend, Plaz am hellen Dag kucke goen, Spillberäich klor ofgrenzen.
- Bei extra Aktivitéiten ewéi Floosfahrten, Klammen, Speleo, Biergtouren, Schwammen, ... sinn d'Unitéiten op eng ugepassten Aart a Weis ofgeséichert an encadréiert.
- Eventuel beim SNJ nofroen fir extra Détailler.

5. Encadrement

E wichtegt Element a punkto Ofsécherung vun eisen Aktivitéiten ass den Encadrement vun de Jonken. Dir fannt dofir hei eng Rëtsch Recommandatiounen, déi iech zur Orientéierung hëllef kënnen.

1. Leedung

- E Camp gëtt vun engem(r) ernannte Moniteur/Regionaljugendleeder etc. geleet.
- De/Déi responsabel(e) Moniteur vum Camp ass vun Ufank bis un d'Enn vum Camp present.
- Am Staff vum Camp ass ausserdem nach op d'manst 1 Moniteur oder 1 erwuessene Mataarbechter pro 8 Jugendlecher.
- De Staff vun engem Camp mat Jongen a Medercher ass gemëscht.
- An alle Fäll, déi virgesi sinn, a bei besonnesche Schwieregkeete kann de JFA aner Conditione festleeën.

2. Recommandatiounen

2.1. Speziell Aktivitéiten

Et ass klor, dass all Aktivitéiten duerch eng Equipe Moniteuren encadréiert gett.

Et dierf een niet vergiessen dat wann d'Aktivität mei lang douert, dat Gefohr mei gross get an méi Moniteuren fir Sécherheet suergen mussen.

Allerdéngs ass et net iwerall néideg, dass d'Moniteuren permanent all Equipe begleeden. Dëse klengen Tableau kann eng Hëllef sinn:

	8 – 11 Joer	11 – 14 Joer	14 – 16 Joer
Duerfspill - Expo	C	oC	
Nuetsaktivitéit	C	C	C
Schwammen	C	C	C
Floosfahrt	-	C	C



Hike – ënnerwee	-	oC/C*	oC
Hike – iwernuechten	-	C	C
Camp – volant	-	-	C

- : keng typesch Aktivitéit

C: typesch Aktivitéit, Begleedung vun enger eenzelter Equipe duerch Moniteuren noutwendeg

oC: typesch Aktivitéit, Begleedung duerch Moniteur net onbedéngt noutwendeg

* : op d'manst Posten ënnerwee

** : op manst eng Visite vun den Moniteur op der Schlofplaz

6. Verplichtungen vun den Moniteur

Moniteur sinn, bréngt och eng Rei Flichte mat sech. Engersäits ergi sech dës Flichten aus de juristesche Responsabilitéiten, déi mir iwuerhuele wa mir mat Mannerjährege schaffen. Anerersäits bréngen och d'Zilsetzung vum Jugendfeierwiehr-Ausschoss moralesch Verplichtunge mat sech.

1. SECHERHEET

D'Sécherheet an d'Iwuerwachungslicht si matenee ganz enk verbonnen doduerch datt d'Iwuerwachungslicht vun dem Moniteur eng direkt Konsequenz vun der « obligation de sécurité » déi en vis-à-vis vum Kand dréit, ass.

De Moniteur ass verpflichtet all noutwendeg Virsiichtsmoosname bei der Wiel an der Organisatioun vun enger Aktivitéit ze huelen, fir esou d'Onfallgefor op e Minimum ze reduzéieren.

2. IWUERWAACHUNGSFLICHT

D'Iwuerwaachungslicht gëlt fir déi ganz Zäit vun der Aktivitéit.

Et gëtt de Moniteur staark ugerode fir den Ufank an d'Enn vun enger Aktivitéit kloer ze markéieren, fir all Zweedeitegkeet auszuschléissen, déi kéint opdauchen am Fall wou z.B. kuerz virun oder nom Ufank resp. Schluss vun der Aktivitéit en Akzident passéiert.

Beispiller:

- Eng Moniteurequipe déi duerch Nuetsaktivitéiten de Jonken net genug Schlof erméiglecht.
- Zum Schluss vun engem Camp kommen d'Elteren hir Kanner net ofhuelen. De Moniteur huet d'Opsichtslicht bis d'Kanner ofgeholl ginn. Während der Zäit wou do eppes passéiert, ass de Moniteur responsabel.
- Wa während enger Nuetsortie am Bësch d'Kand iwuert en Aascht fällt oder sech soss irgendwéi verletzt. An deem Kontext ass awer ze ennersträchen datt eng Nuetsaktivitéit, wéi generell all Aktivitéit dem Alter vum Kand ugepasst muss ginn an datt de Moniteur speziell während enger Nuetsaktivitéit ëmmer dobäi muss sin fir eng optimal Sécherheet ze garantéieren.

3. INFORMATIUNSFLICHT

D'Informatiounslicht ass am allgemengen eng « obligation de moyen ». D'Informatiounslicht besteet fir de Moniteur dran souwuel d'Eltere wéi d'Kanner ze informéieren, wat während engem Campeng, engem Weekend oder enger Aktivitéit gemaach gëtt.

De Moniteur huet och d'Flicht sech selwer ze informéieren wat d'Riske vun enger Aktivitéit sinn andeems se sech Informatiounen aus Fachzäitschrëften oder beim JFA huelen. (Och beim SNJ krett een Informatiounen)



4. MORALESCH VERFLICHTUNGEN

Als Moniteur vun de «Lëtzebuenger Jugendpompjeeën» sidd dir Responsabel vum CGDIS, ärem CIS an eventuell vum Pompjeesverband, dee fir verschidde Wäerter steet. Dës Wäerter sinn an eise Statute an am Gesetz beschriwwen.

Äert Behuele bei den Aktivitéiten, ären Emgank mat de Kanner a Jugendlechen, müssen dëse Wäerter gerecht ginn. Et sinn dat är moralesch Verflchlunge vis-à-vis vun den Elteren, mee och vis-à-vis vum CGDIS, CIS an dem Pompjeesverband.

5. HIERARCHIE AN DE RESPONSABILITEITEN

5.1. De responsabele Moniteur

Responsabel fir eng Aktivitéit ass de Moniteur ënnert deem dës Aktivitéit organiséiert gëtt. Sie müssen all hir Méiglechkeeten asetzen, datt de Kanner oder enger Drëttpersoun näischt passéiert.

Wann de Moniteur d'Kanner oder d'Jugendlechen, fir déi si responsabel sinn, engem Moniteur-adjoint oder Assistant uvertrauen, musse si fir deem seng Feeler opkommen grad wéi fir hir eegen, well si responsabel si fir d'Organisatioun vun der Aktivitéit.

Duerfir müssen Moniteuren d'Iwwersiicht iwwer d'Aktivitéiten hunn a kucken, datt op d'manst déi gesetzlech Verboten a gehale ginn.

Beispill:

Op engem lokalen Camp, deen vun engem Moniteur geleed gët, gët en Hike vun engem Moniteur-adjoint organiséiert. Et kënn zu engem Akzident.

Den Moniteur-adjoint ass an éischer Linn responsabel als Organisateur vum Hike, duerno de Moniteur als Organisateur vum Camp, duerno de Chef de Centre als Chef vum Moniteur, duerno de CGDIS als Chef vum Centre. Dëss Hierarchie gët der Rei no op hir Gewëssenhaftegkeet kontrolléiert.

5.2. Dei aner Moniteuren

Dei aner Moniteuren sin net direkt responsabel géintiwwer den Eltere bei den Aktivitéiten, mee den Organisateur vun der Aktivitéit.

All Moniteur muss vu vireran déi richteg Instruktiounen ginn an dofir suergen, datt vis-à-vis vum CGDIS an dem Pompjeesverband (JFA) alles conform zu de Reglementer a Statute organiséiert, ugemellt an duerchgefouert gëtt.

De Moniteur huet d'Flicht, festgestallten Onregelmässegkeeten an Disfonktionnementer ze ënnerbannen oder Récksprooch mat dem CGDIS an eventuell dem JFA ze huelen (z.B. Probleemer mat Alkohol op engem Camp).

7. Eis Assurance

Als Lëtzebuenger Jugendpompjeeën profitéiere mir ofgedeckt dur d'Assurance Accident, d'Assurance Responsabilité Civile an d'Assurance complémentaire.

D'Texter derzou fand dir am Précis.

8. Am Noutfall

Dat, wat hei beschriwwen gëtt, si Rekommandatiounen fir de Fall vun engem schwéieren Akzident. E schwéiert Akzident ass eent wou e Liewen a Gefor ass oder wou schwéier bleiwend Schied ze fäerte sinn. An esou engem Fall ass et wichteg e kloren Kapp ze behalen an d'Situatioun net nach ze verschlimmern.

Déi Rekommandatiounen, déi hei opgezielt sinn, kënnen awer och nützlich sinn an engem manner dramateschen Fall.



1. DIREKT

1.1. Koordinatioun

- Am Fall vun engem Akzident iwwerhëlt den Haaptverantwortlechen d'Koordinatioun. Wann hien/hatt net handlungsfähig ass, iwwerhëlt en aneren a senger Plaz dës Charge.
Wichtig: Et däerf nëmmen eng Persoun sinn, déi koordinéiert!
- Ee Moniteur gëtt designéiert, deen sech drëmms këmmert den 112 an den 113 unzeruffen. Dëse Moniteur soll sech d'Méi ginn, dem 112 an dem 113 präzis Informatiounen ze ginn.

1.2. De Blesséierten

- Op kee Fall däerf de Betraffenen (Blesséierten) eleng gelooss ginn.
- De Blesséierte berouegen, zoudecken.
- 1. Hëllef maachen.
- Dem Noutdéngscht déi néideg Informatiounen ginn.
- Wann de Betraffenen an d'Spidol transportéiert gëtt, froen a wat fir eent. En Erwuessene muss de Jugendlechen an d'Spidol begleeden.

1.3. De Rescht vum Grupp

- Kee vun de Moniteur oder Jugendlecher oniwwerluegt handle loossen.
- Wann et geet den Appell vun de Leit maachen (kucken ob kee feelt) an se zesammen halen.
- Kucken ob keen anere blesséiert ass (ënner Schock kënn et vir, datt verschidde Leit sech net mellen).
- D'Géigend analyséieren ob keng aner Gefore kënnen nokommen (Verkéier op der Strooss, beim Waasser, Steebroch ...)
- D'Akzidentsplaz ofsécheren (Afaarten an Ausfaarte fräihalen, déi Virwëtzig ewechhalen ...)
- De Retour vun de Kanner an d'Campplaz organiséieren. Wa méiglech dee selwechte Wee heemgoe wann een d'Géigend net kennt.
- Zréck op d'Campplaz goen. Déi aner Moniteuren resp. Kanner informéieren a berouegen.

2. ESOU SEIER WEI MEIGLECH

- De JFA informéieren (Präsident). Vun do aus gëtt ee Responsabelen op d'Plaz geschéckt.
- Wann de Responsabelen aus dem Jugendfeierwiehr-Ausschoss ukënnt, iwwerhëllt hien/hat - wann néideg - d'Koordinatioun an déi weider Schrëtt.
- Den Responsable vum CGDIS (iwwert CSU112) informéieren.
- D'Elteren vum Jugendlechen informéieren.
- Den Präsident vum JFA huet den Verbandspräsident se informéieren.



3. PRESS

- Keng Informatiounen un Friemer oder un d'Press ginn, dofir suergt de JFA/ CGDIS.

9. Checklëscht fir Moniteuren

1. Allgemeng Erwaardungen un d'Moniteur am Beräich Sécherheet

Bei den Aktivitéiten dréit den Organisateur d'Verantwortung. Deemno steet de Moniteur net direkt an der éischer Linn. Trotzdem huet hatt/hien eng wichteg Roll am Beräich Sécherheet ze spillen. Dëst si wichteg Aufgabe vum Moniteur :

a. Informatiounsflucht

D'Elteren, déi hir Kanner bei de Jugendpompjeeën umellen, hunn d'Recht iwver eis Aktivitéiten informéiert ze sinn. De Moniteur soll eemol d'Joer eng Informatiounsversammlung fir d'Elteren ofhalen. (z.b. Generalversammlung vum CIS)

Bei gréisseren Aktivitéiten, wéi engem Camp, mussen d'Elteren iwver de Programm informéiert ginn. Dat kann iwver eng Informatiounsversammlung oder en Informationsblat geschéien.

b. Gudde Kontakt mat den Elteren

Et ass wichteg, datt d'Elteren déi Responsabel vum Grupp kennen. Et geet net duer, datt d'Elteren nëmmen de Chef de Centre kennen, mee si sollten och de Moniteur kennen.

c. Gutt Gewëssen a punkto Sécherheet

Et ass wichteg, datt d'Moniteuren nowise kënnen, datt si schon an der Preparatiounsphase u Sécherheetsaspekter geduecht hunn. De JFA muss duefir suergen, datt d'Moniteuren dorun denken an déi richteg Dokumentatioun hunn.

d. Am Noutfall

Am Noutfall ass de Regionaljugendleeder/Moniteur speziell gefuedert, fir d'Hëllef op d'Plaz ze kréien, fir d'Situatioun op der Plaz an de Grëff ze kréien, fir de Kanner/Jugendlechen, mee och den Moniteur bäizestoen. De Regionaljugendleeder/Moniteur hält och no engem Akzident de regelméissege Kontakt mat den Elteren. Hatt/hien suergt duefir, datt de Präsidant vum JFA informéiert gëtt an datt déi richteg Formularen richteg a komplett ausgefëllt ass.

2. Am Laf vum Joer

- Sinn all d'Kanner/Jugendlechen vum CIS beim CGDIS ugemellt?
- Sinn all Moniteur an -adjointen forméiert gemäss REA?
- Sinn d'Campe beim JFA ugemellt?
- Ginn d'Eltere genuch iwver eis Aktivitéiten informéiert (Informatiounsversammlung oder Informatiounsblat)?
- Sinn eis gréisser medezinesch Problemer vun Jugendpompjeeën bekannt?

3. Virun engem Camp

- Sinn d'Elteren an d'Moniteuren iwver de Programm informéiert?
- Huet de Moniteur d'Fiche médicale ausfëlle gelooss?
- Ass de Grupp korrekt enkadréiert ?
- Wess de Moniteur, datt si eng Opsichtspflicht vis-à-vis vun de Kanner hunn a wëssen si wat dat mat sech bréngt?



- Ass de Moniteur op seng Responsabilitéit higewiesen ?

3.1. 1. Hëllef

- Denken Moniteuren un eng Campadikt (bei aner Aktivitäiten eng 1. Hëllefskescht)?
- Kritt de Grupp noutfalls medezinesch Hëllef?
- Ass de Responsable telefonesch ze erreechen?

3.2. Am Eeschtfall

- Huet de Regionaljugendleeder/ Moniteur d'Adressen an d'Telefonsnummer vum Campresponsabelen?
- Huet de Responsabelen d'Adressen an d'Telefonsnummere vum de jeweilegen Elteren/Tuteure während der Period vum Camp.